

TREMENDO HOMENAJE NA UN GRAN TOCADOR DI WIRI ANTONIO GOMEZ

** Diadomingo di 20 di Maart lo tin un grandioso Festival di Caha'i orgel den e agradable Hofi Sero Janchi.

E grandioso Festival aki ta como homenaje na un gran tocador di Wiri Antonio Gomez, kende tin mas cu 40 aña ta tocando e bunita instrumento aki.

Durante e tremendo Festival aki, lo bay tin un fabuloso show, caminda e damanan tambe lo demonstra nan talento den e arte di toca Caha'i orgel y tambe zona e Wiri.

Segun DEN AMBIENTE por a compronde for di e dinamico Chua Farro, kende ta e motor incansable tras di e Festival aki, cu durante di e

festival lo ser entrega un plaquette como reconocimiento na Felipe Bikker, y tambe igual na Señora di Augustin Kock propietario di e Caha'i orgel "Cosa Buena".

Segun nos por a compronde cu tin un interes sumamente grandi pa e Festival aki, mirando e avalancha di yamadanan. Tambe DEN AMBIENTE por a compronde cu durante e fantastico programa di "Nos cu Nos" di e popular artista internacional Jossy Brokke, lo tin un mei ora dedica na tanto e festival, como na Antonio Gomez.

Algo hopi great tambe, por a compronde cu e potencial Radio 1270 AM, enconexion cu e festival aki, lo dedica un dia completo na e festival aki, cu entrevistanan y e dushi musica di Caha'i orgel. E gran dia aki ainda ta pendiente.

E bunita di e festival aki lo ta caminda Antonio lo companja tur e Caha'i orgelnan cu e la sa di presenta durante su glorioso 40 aña.

DEN AMBIENTE ta desea Chua Farro hopi exito cu e Festival aki, y ta spera cu e lo sabi di duna mas tipo di reconocimentonan asina, na nos valuarte musiconan di nos cultura !!!.



*** Riba grafico nos por aprecia Antonio Gomez hunto cu "El Gran Patan Farro, y Tinchí Farro cu e Caha'i orgel "El Diamante" !!*